

通鑑地理通釋卷第十一

三國形勢攷上

春秋下陽不言號虎牢不係鄭地有所必據城有所必守王公設險以守其國大易之訓也作三國形勢攷

蜀漢重鎮

通典蜀以漢中興勢白帝並為重鎮

漢中

地理通釋

卷之十一

汲古閣

郡縣志後漢末張魯據漢中改為漢寧郡曹公討平之蜀先主破夏侯淵遂有其地為重鎮魏

延蔣琬姜維相繼屯守唐為興元府

治南鄭縣

黃權

曰若失漢川則三巴不振楊洪曰漢中益州咽喉

若無漢中則無蜀矣水經漢水又東黑水注

之諸葛亮牋云朝發南鄭暮宿黑水通鑑漢中

故城在南鄭縣東北華陽國志序秦資其富用

兼天下漢祖階之奄有四海陳孔璋曰漢中地

形險固四嶽三塗皆不及也趙開曰漢中之地後可據而安前可恃而進胡文定公曰魏人都許不恃方城而守襄陽蜀人都益不恃劔門而守漢中吳人都秣陵不恃大江而守荆渚真氏曰古之爲國者必有重臣以當閫外之寄蜀以孔明駐漢中吳以陸遜守荆渚

馬鳴閣道

魏徐晃傳與夏侯淵拒劉備於陽平備遣陳式等十餘營絕馬鳴閣道晃別征破之太祖曰此

地理通釋

卷之十一

汲古閣

閣道漢中之險要喉咽也劉備欲斷絕外內以

取漢中

寰宇記馬鳴閣在利州昭化縣

水經注褒水西北出衙

嶺山東南逕大石門歷故棧道下谷俗謂千梁

無柱也諸葛武侯與兄瑾書云前趙子龍

雲

退

軍燒壞赤崖以北閣道緣谷一百餘里其閣梁

一頭入山腹其一頭立柱於水中今水大而急

不可安柱此其窮極不可強也又云頃大水暴

出赤崖以南橋閣悉壞時趙子龍與鄧伯苗

芝

一戍赤崖屯田一戍赤崖口但得緣崖與伯苗
相聞而已後魏延先退而焚之謂是道也自後案舊

修路者無復水中柱褒水又東南歷小石門門穿山通道

六丈有餘刻石言永平中司隸楊厥所開蓋因石牛道而廣之蜀都賦曰

咀以石門門在漢中之西褒中之北郡縣志褒水源出興

元府褒城縣西衙嶺川褒城本漢褒中縣褒斜道一名石牛道張良令漢王燒絕棧道即此蔡

澤謂應侯曰君相秦棧道千里通於蜀漢類要利州馬鳴閣魏武曰此閣過漢中之陰平乃咽

喉之要路

地理通釋

卷之十一

汲古閣

陽平關

通典在興元府褒城縣西北曹公征張魯至陽

平魯使弟衛據陽平關橫山築城十餘里乘險

夜襲破之先主進兵漢中屯陽平關姜維表後

主分護陽安關口陽安疑即陽平周地圖記褒谷西北

有古陽平關水經沔水又東逕白馬戍南注云

灑水南逕張魯治東水西山上庾仲雍謂山爲

白馬塞東對白馬城一名陽平關吳賀邵曰劉氏據三關之

險守重山之固張瑩漢南記曰
蜀有陽平江關白水爲三關

定軍山

在興元府西縣東六十里先主自陽平南渡沔

水緣山稍前於定軍興勢作營黃忠於漢中定

軍山擊夏侯淵水經注沔陽故城蕭何所築南

對定軍山諸葛武侯遺令葬其山郡縣志西縣本漢沔陽

縣地十道記武鄉谷在南鄭縣孔明受封之地

沔水 漢水

地理通釋

卷之十一
四

汲古閣

職方氏荆州其川江漢黃氏曰江水自夷陵而下爲州界東流會于彭

蠡漢水自房陵以下爲州界東南至漢陽入江郡縣志漢水經南鄭縣

去縣一百步水經及注大江出岷山茂州東南在

蜀郡氏道縣江水出峽歷荆門江陵華容至江

夏沙羨縣鄂州西北沔水從北來注之沔水出武

都沮縣興州今河州東狼谷中漢水出鮒岫山沔水

東南流注漢曰沮口所謂沔漢者也孔安國曰漾水東流

爲沔蓋與沔合也至漢中爲漢水是互相通稱矣東逕沔陽興元府南鄭

西城

全州

錫縣襄陽南過宜城縣

襄陽府

郟縣

郟州

石

城竟陵

復州

又東南與陽口合至江夏沙羨縣北

南入于江庾仲雍云沔水南至關城合西漢水

漢水又東北合沮口同爲漢水之源通典興元

府金牛縣有蟠冢山禹導漾水至此爲漢水亦

曰沔水顏師古云漢上曰沔李氏曰四瀆惟江

最大江發於岷逕夔荆達揚而入於海此江之

原也

易氏曰攷元和志岷山近在茂州而江源遠在西徼在松州之境

外自蜀

地理通釋

卷之十一

汲古閣

而言江之外其水有七出於縣之神泉曰縣水

出於什邡之章洛山曰洛水分流於永康之湔

堰者湔水縣水自縣竹紫巖山逕德陽入雒洛

水自什邡入雒湔水逕導江崇寧九隴濛陽亦

入雒三水皆合於雒自雒逕懷安簡資富順至

瀘與江水會總曰內水發源於江油之清川逕

縣潼遂東至於合曰涪水發源於沔之青泥嶺

逕大安利閬果至合於涪水會曰嘉陵水發源

於小巴嶺逕巴蓬之伏虞西南以至於渠曰巴水出萬頃池逕明通又至渠與巴水合曰渠水巴渠二水旣合逕廣安新明至合於嘉陵涪水會以達於渝而江始大此七水與江別合之大略也若分流夷中入中國以附于江者有三曰青衣曰羊山曰馬湖青衣出朶山徑嚴道洪雅夾江而下羊山出鐵豹嶺逕漢源出嘉定之南與青衣水合入于江馬湖自夷都流至敘亦

地理通釋

卷之十一
六

汲古閣

入于江又有出於郡邑之山澤者則自岷峨而下泂流以至於夔不勝其衆其大者如盛山之萬頃池則醴流有四一入于渠三入于夔惟漢水出蟠冢與江分流由漢金趨襄至江夏大別山始與江合此蜀衆水接連荆楚源流之大略也胡文定公曰欲固上流必保漢沔

漢樂二城

蜀志建興七年諸葛武侯徙府營於南山下原

上築漢樂二城通鑑築漢城於沔陽樂城於成

固二縣屬漢中郡沔陽今興元府西縣成固今

城固縣通典故西樂城在西縣西南武侯所立

甚險固輿地廣記城固縣蜀改爲樂城水經沔水又東逕西樂

城北注云在山上周三十里城側有谷謂之容

裴谷道通益州諸葛武侯築晉梁州刺史

楊亮守之爲苻堅所敗後刺史姜守潘猛亦居

此城東容裴溪注之水左有故城憑山卽嶮四面

沮絕先主遣黃忠據之以拒曹公姜維傳初先主留魏延鎮漢

中皆實兵諸圍以禦外敵敵若來攻使不得入

地理通釋

卷之十一

汲古閣

及興勢之役王平捍拒曹爽皆承此制維建議

以爲錯守諸圍雖合周易重門之義然適可禦

敵不獲大利不若使聞敵至諸圍皆斂兵聚穀

退就漢樂二城使敵不得入平且重關鎮守以

捍之有事之日令游軍並進以伺其虛於是令

督漢中胡濟却住漢壽監軍王含守樂城護軍

蔣斌守漢城又於西安建威武衛石門武城建

昌臨遠皆立圍守

水經注華陽國志曰蜀以城固爲樂城縣

興勢

郡縣志洋州興道縣本漢城固縣地後魏分置興勢縣治興勢山上唐武德元年置洋州貞觀二十三年改興道縣興勢山在縣北二十里蜀先主遣諸葛武侯出駱谷戍興勢山置烽火樓處處通照卽此山後主延熙七年將軍王平守之魏將曹爽等攻不克卽今興道縣通典今縣城卽後魏儻城郡因自然隴勢形似盆緣外險

地理通釋

卷之十一

汲古閣

內有大谷爲盤道上數里及門水經漢水又東逕小城固南注云州治大城固移縣北故曰小城固城北百二十里有興勢坂漢水又東右會洋水

自城固南城南入三百八十里距南鄭四里百八十里洋州東北至京兆府六百四十

駱谷 子午谷 黃金谷

唐地理志洋州興道縣有駱谷路南口曰儻谷北口曰駱谷黃金縣有子午谷路京城前直子

午谷郡縣志儻谷一名駱谷在興道縣北三十

里按駱谷在長安西南駱谷關在京兆府盩厔

縣今屬鳳翔府西南一百二十里武德開駱谷道以

通梁州在今關外九里貞觀四年移於今所駱

谷道漢魏舊路也南通蜀漢魏曹爽伐蜀諸軍入駱谷三百餘里

不得前進駱谷路在今洋州西北二十里州至

谷四百二十里晉司馬勳出駱谷破趙威壁于

懸駒去長安二百里黃金水出黃金縣西北百畝山黃金

谷去縣九里其谷水陸艱險語曰山水艱阻黃

地理通釋卷之十一 汲古閣

金子午魏曹爽由駱谷伐蜀蜀將王平拒之於

興勢張旗幟至黃金谷謂此山也故鐵城在縣

西北八十里城在山上險峻故以鐵為名氏帥

楊難當寇漢川令薛健據黃金戍姜寶據鐵城

宋遣梁州刺史蕭思話攻拔之驛即子午道也

舊道在今金州安康縣界梁王神念以舊道緣山避水橋梁多毀別

開乾路更名子午道即此路是也唐輿地廣記駱谷路通長安德

宗僖宗幸興元皆出此通典黃金戍在黃金縣西北八十

里張魯所築南接漢川北枕古道險固之極黃金縣乾德四年省入真符縣

有子午駱谷饒風關為蜀門戶置石佛堡子午國家於駱谷口

谷口置陽嶺寨西城路置渭門寨分水寨皆備禦之要魏張郃由子午欲攻漢中曹真從子午

道南入漢順帝詔益州刺史羅子午道通褒斜路注子午道平時王莽通之從杜陵直絕南

山徑漢中三秦記曰長安正南山名秦嶺谷名子午

郡縣志子午谷在京兆府長安縣南百里王莽

通子午道因置此關魏遣鍾會統十萬餘衆分

從斜谷駱谷子午谷趨漢中晉桓温伐秦命司

地理通釋卷之十一汲古閣

馬勳出子午道今洋州東二十里曰龍亭此入

子午谷之路至谷六百六十里唐廣德二年盜

竄伏南山子午等五谷顏氏曰今京城直南山有谷通梁漢道者名子

午谷北山是子午山是午共為子午道水經注直水北出子午谷巖嶺下蜀志王平

傳若賊分向黃金平率千人下自臨之水經漢

水又東逕小大黃金南注云山有黃金峭水北

對黃金谷有黃金戍傍山依峭嶮折七里氏掠

漢中岨此為戍與鐵城相對一城在山上一城

在山下嶮峻故以金鐵名漢中記曰自西城涉
黃金峭寒泉嶺陽都坂類要黃金縣在川東北
百三十里黃金戍在縣西北八十里

辨氏曰金房南蔽夔

峽西接梁洋荆梁之間一控扼也國初征蜀嘗由此以襲夔州

白帝

永安

通典夔州爲蜀重鎮先主敗於夷陵退屯白帝

改爲永安其後吳將全琮來襲不克

奉節縣有白帝城本

漢魚復縣

郡縣志永安宮在奉節縣東七里先主改

地理通釋

卷之十一
十一

汲古閣

魚復爲永安白帝山卽州城所據也與赤甲山
接初公孫述殿前井有白龍出因號白帝城城
周迴七里西南二里因江爲池東臨瀼溪唯北
一面小差逶迤羊腸數轉然後得上水經江水
東逕魚復縣故城南注故魚國左傳楚伐庸魚
人逐之是也巴東郡治白帝山城周迴二百八
十步北緣馬嶺接赤甲山其平處南北相去八
十五丈東西十七丈又東傍瀼溪卽以爲隍西

南臨大江吳朱績傳密書結蜀使爲并兼之慮
蜀遣闔宇將兵五千增白帝守張氏曰武侯之
治蜀也東屯白帝以備吳南屯夜郎以備蠻北
屯漢中以備魏

後漢注魚復縣故城在今夔州人復縣北赤甲城是西魏改人

復唐更
名奉節

八陣圖

郡縣志在夔州奉節縣西七里寰宇記在縣西
南七里荊州圖副云永安宮南一里渚下平積

地理通釋

卷之十一
十二

汲古閣

上周迴四百十八丈中有諸葛武侯八陣圖聚
細石爲之各高五尺廣十圍歷然碁布縱橫相
當中間相去九尺正中開南北巷悉廣五尺凡
六十四聚或爲人散亂及爲夏水所沒冬水退
復依然如故盛弘之荊州記云壘西聚石爲八
行

魚復縣西聚細石
爲壘方可數百步

行八聚聚間相去二丈因

曰八陣旣成自今行師庶不覆敗八陣及壘皆
圖兵勢行藏之權自後深識者所不能了桓溫

伐蜀經之以爲常山蛇勢此蓋意言之

蘇氏曰八行爲

六十水經江又東逕諸葛亮圖壘南薛氏曰圖

之可見者三一在沔陽之高平舊壘

郡縣志在興元府西

縣東南十里武侯壘門石爲圖

一在新都之八陣鄉

郡縣志在成都府新

都縣北十九里寰宇記在縣北三十里彌牟鎮

李膺益州記云稚子關北五里武侯八陣圖土

城四門中起六十四魁八

爲行魁方一丈高三尺

一在魚復永安宮南

江灘水上

洞當中黃龍騰鳥飛折衝虎翼握機衡陣之法本諸吳方圓牝牡衝方罟

地理通釋

卷之十一

汲古閣

一在廣都

土壘今已殘破不可考

世傳風后握機文則魚

復圖之注馬隆八陣贊又握機文之注成都圖

經云八陣凡三在夔者六十有四方陣法也在

彌牟者一百二十有八當頭陣法也在碁盤市

者二百五十有六下營法也

南市一名碁盤市武侯陣營基也

興元志西縣亦有之則八陣凡四薛氏曰漢都

肆已有孫吳六十四陳竇憲嘗勒八陣擊匈奴

晉馬隆又用八陣以復涼州陳總持白虎幡以

武侯遺法教五營士是則武侯之前既有八陳
後亦未嘗亡也今有馬隆握奇圖贊其傳起於
風后嚴從曰武侯所習風后五圖也桓温云是
常山蛇勢徒妄言耳常山蛇者法出孫子謂之
率然蓋高直陣也

水經注沔陽定軍山東名高平是亮宿營處營東卽八陣

圖也遺基略在難識殷芸小杜牧注孫子云數說於漢中積石作八陣圖

起於五而終於八今夔州諸葛武侯以石縱橫
八行布爲方陣奇正之出皆生於此奇亦爲正

地理通釋

卷之十一
十四

汲古閣

之正正亦爲奇之奇彼此相用循環無窮也諸
葛出斜谷以兵少但能正用六數今蓋屋司竹
園乃有舊壘司馬以四十萬步騎不敢決戰蓋
知其能也通典後魏柔然犯塞刁雍上表採諸
葛八陣之法爲平地禦寇之方後周信州舊治
白帝陸騰徙之於八陣灘北洪氏曰八陣魁六
十有四重易之卦也却月魁二十有四作易之
畫也畫起於圓而神故却月之形圓卦定於方

以知故八陣之體方方居前而圓居後卦自畫始方自圓生也壁門直袁曲折翼其傍則陰陽二物握奇則有虛一之象李靖問對太宗曰六花陣法出何術靖曰臣所本諸葛亮八陣法也大陣包小陣大營包小營隅落駒連曲折相對古制如此臣爲圖因之故外畫之方內環之圓是成六花俗所號耳太宗曰內圓外方何謂也靖曰方生於正圓生於奇方所以矩其步圓所以綴其旋是以步數定於地行綴應於天步定綴齊則變化不亂八陣爲六武侯之舊法

魏重鎮

通典魏東自廣陵壽春合肥沔口西陽襄陽重兵以備吳西自隴西南安祁山漢陽陳倉重兵以備

蜀

廣陵

通典今之揚州春秋時屬吳左傳吳城邗溝以

地理通釋

卷之十一
十五

汲古閣

通江淮是也秦屬九江郡漢屬荆國更屬吳景

帝更名江都國武帝更名廣陵國後漢爲廣陵

郡魏爲重鎮

文帝黃初六年征吳幸廣陵故城臨江觀兵見江濤歎曰天所以限

南北也使張遼乘舟與曹休至海陵留屯江都

嘉平後屬吳

孫亮建興二年

使衛尉馮朝城廣陵

東晉末以廣陵控扼三齊故青兗二

州刺史皆鎮於此宋兼置南兗州治此北齊曰

東廣州復曰南兗州後周爲吳州隋初爲揚州

又爲江都郡唐初爲兗州後改爲邳州又改爲

地理通釋

卷之十一
十六

汲古閣

揚州秦氏曰凡稱揚州者東漢指歷陽或壽春

或曲阿中原自魏至周指壽春或合肥江左自

吳至陳指建業或會稽隋唐五代乃指廣陵廣

陵在二漢時爲吳國江都廣陵國廣陵郡宋爲

南兗州北齊爲東廣州後周爲吳州唐初亦爲

邳州其爲揚州自隋始也郡縣志廣陵在江都

縣北四里州城正直其上大江西北自六合縣

界流入晉祖逖擊穢中流自晉之所南對丹徒

之京口舊濶四十餘里今濶十八里

城本吳王濞所築當

吳魏時廣陵下邳九江江夏四郡邊魏皆與魏為交爭之地合瀆渠在江都縣東二里本吳

掘邗溝以通江淮之水路也夫差自廣陵城東南築邗城下掘深溝謂之邗江亦曰刊溝自江

東北通謝陽湖今謂之官河亦謂之山陽濁

壽春

水經淮水東流與潁口會東北流逕壽春縣故

城西通典壽春郡後漢揚州刺史領郡六治於

此魏曰淮南郡仍揚州為重鎮母丘儉諸葛誕

地理通釋

卷之十一
十七

汲古閣

為刺史鎮於此誕城在壽春縣東一里鄧艾行

陳潁已東至壽春且田且守三國時江淮為戰

爭之地其間數百里無復人居晉平吳其人各

還本復立為淮南兼置揚州

領郡十八治於此

東晉亦

為重鎮晉伏滔正淮論云壽揚南引汝潁之利

東連三吳之富

吳郡與吳興丹陽為三吳

北接梁宋平途不

過七百西援陳許水陸不出千里外有江湖之

阻內保淮淝之固龍泉之陂良疇萬頃舒六之

貢利盡蠻越元帝永昌中豫州刺史祖約自譙
還鎮於此後或治江北或治江南無定所宋義

熙十一年劉義慶又鎮此齊兼置豫州爲重鎮

高帝遣垣崇祖鎮壽陽謂曰壽春賊之所衝深
爲之備魏大將王肅送劉昶兵二十萬掩至敗
還高閭曰壽陽盱眙
淮陰淮南之本原也永元初守將裴叔業以城

降魏後魏曰梁武普通七年克之置南豫州後

降魏陳大建五年復得壽陽爲豫州隋改壽州

壽春縣東晉改壽陽今縣東四十餘里宋殷琰

地理通釋

卷之十一
十八

汲古閣

築四壘於此今安豐軍古壽春也其城築自楚
考烈王徙都而經始焉南北剖分爲疆場戰爭
之地謝玄肥水之陽却苻秦百萬之師劉仁瞻
堅壁自守周世宗攻之三年不能下世宗不能
久處淮南蓋仁瞻當其衝會壽州不守不可越
之而有淮南唐氏曰自古天下裂爲南北其得
失皆在淮南吳不得淮南而鄧艾理之故吳并
於晉陳不得淮南而賀若弼理之故陳并於隋

南得淮則足以拒北北得淮則南不得自保矣
南齊志壽春淮南一都之會地方千餘里有陂

田之饒漢魏揚州所治北拒淮水

周氏曰自晉至宋皆以壽

陽爲重魏寇少至則淮泗諸郡堅守以待救援大至則發民而歸壽陽蓋壽陽不陷則魏兵雖深入垂瓠終憂援兵之突至又前有彭城故爲守易齊旣擇人以守壽陽又有朐山在其東故守亦非難郡縣志其地城臨淝水北有八公山在南卽淮水自東晉至今常爲要害之地

合肥

郡國志九江郡合肥縣

後漢注故城在今廬州北

郡縣志廬

地理通釋

卷之十一
十九

汲古閣

州本廬子國春秋舒國之地漢分淮南置廬江

郡後漢廬江在皖建安中曹公謂劉馥可任以

東南之事以爲揚州刺史單馬造合肥空城建

立州治合肥縣西二里故城是也建安二年張

遼守之孫權帥十萬師攻圍遼以八百人破之

明帝青龍元年滿寵都督揚州諸軍鎮於此請

於合肥縣西北三十里立新城

表曰合肥城南臨江湖北達壽

春賊攻圍之得據水爲勢官軍救之尚先破賊大軍然後圍乃得解賊往甚易兵救甚難宜移

城西三十里有奇險可依立城固守
此爲引賊平地而倚其歸路從之
權自出欲

圍新城以其遠水積二十日不敢下船乃上岸

曜兵明年又至新城無功而還諸葛恪圍城亦

不克魏明帝云先帝東置合肥南守襄陽西固

祁山賊來輒破於三城之下地有所必爭也合

肥晉亦爲重鎮

梁改合州
隋改廬州

合肥縣本漢舊縣淮

水與肥水合故曰合肥

應劭曰夏水出父城東南至此與淮合乾道新

城記云魏築二壘於白渡港亦號合肥城非今
州城也合肥志云新城在合肥縣西北之新城

地理通釋

卷之十一
二十

汲古閣

鄉何承天曰曹孫之霸才均智侔江淮之間不
居者數百里魏捨合肥退保新城吳城江陵移
入南岸濡須之戍家停羨溪王基傳孫權再至
合肥一至江夏其後全琮出廬江朱然寇襄陽
皆無功而還

沔口

文聘傳與夏侯尚圍江陵使聘別屯沔口止石

梵自當一隊孫權以五萬衆自圍聘於石陽聘

堅守不動追擊破之通典沔口建安十五年文

聘爲江夏太守鎮焉吳軍屢攻不拔魏初有之

青龍後屬吳卽今漢陽郡輿地廣記漢陽軍漢

陽縣本安陸縣地漢屬江夏東晉置沱陽縣隋

置漢津縣屬復州改曰漢陽唐屬沔州廢屬鄂

州周置漢陽軍漢入江處謂之沔口漢末魏及

吳人皆以爲重鎮吳嘉禾三年陸遜諸葛瑾屯江夏沔口晉陶侃

傳王貢擊侃督護鄭攀於沱陽又敗朱伺於沔

口齊張冲傳梁王出沔口圍魯山城郡縣志魯

山一名大別山在漢陽縣東北一百步山前枕

地理通釋

卷之十一
二十一

汲古閣

蜀江北帶漢水漢水一名沔水西自汶川縣界

流入禹貢漢至大別南入于江蔡氏曰大別入江在今漢陽縣水經注魯山

左卽沔水口沔左有却月城荆州記沱陽縣至沔口水北有却月

城沙羨縣治也黃祖所守祖橫兩蒙衝挾守沔口郡縣志

却月故城在漢陽縣北三里周回一里八十步高六尺黃祖

所守處漢陽圖經云梁武帝築漢口城以守魯山三國以前多稱漢而不言沔三國以

後多稱沔而不言漢漢沔一水南都賦注曰漢

水源出隴西經武都至武關山歷南陽界出沔

江口入

西陽 石陽

郡縣志黃州魏為重鎮黃初中吳先揚言欲攻

江北豫州刺史滿寵度其必襲西陽先為之備

孫權聞之退還西陽故城在黃岡縣東南一百

三十里輿地廣記黃岡本漢西陵縣地漢縣屬江夏晉為西陽國齊置齊

安郡隋置黃州光州光山縣本漢西陽縣寰宇記故西陽城在光州光山縣西二十里石

陽故城在黃陂縣西二十三里吳征江夏圍石

陽不克而還即此黃陂縣劉表為荊州刺史以

地理通釋

卷之十一 二十二

汲古閣

此地當江漢之口懼吳侵軼使黃祖於此築城

鎮遏因名黃城鎮後周置黃陂縣白沙關西至大關六

十里在黃州西二百四十里北至光州界二十

五里大活關東北至光州二百八里西至安州

澧山關一百里在縣北二百里穆陵唐志作木陵關

在麻城縣西北八十八里在穆陵山上陰山關北至

光州殷城縣省入固始二百里在州東北二百里

水經江水左逕赤鼻山南又東逕西陽郡南江

東逕積布山南卽西陽尋陽二郡界也蘄州廣濟縣有積布山晉志魏文分汝南立弋陽郡治西陽今光州光山縣晉爲弋陽郡治黃州黃岡縣晉屬弋陽郡寰宇記晉永嘉後始移西陽置故郟城上流五里

襄陽

郡縣志襄州荆豫二州之域於周諸國則穀鄧

鄖盧羅若之地秦兼天下自漢以北爲南陽郡

今鄧州漢以南爲南郡今荆州後漢建安十三年魏

武平荆州置襄陽郡自赤壁之敗魏失江陵而

地理通釋

卷之十一
二十三

汲古閣

荆州都督治無常處吳將諸葛瑾陸遜皆數入

其境自羊公鎮襄陽吳不復入東晉僑立南雍

州西魏改襄州因州南襄水爲名襄陽去江陵陸道五百里勢

同輔車無襄陽則江陵受敵自東晉庾翼爲荆

州刺史將事北伐遂鎮襄陽北接宛洛跨對樊

沔爲荆郢之北門代爲重鎮襄陽縣本漢舊縣

屬南郡在襄水之陽揚豫都督王昶言今屯宛

去襄陽三百餘里有急不足相赴遂徙屯新野

今鄧州穰縣司馬懿曰襄陽水陸之衝禦寇要地不可失也 通典魏徐晃守

之蜀將關羽攻不下 關羽攻樊城遣別將圍襄陽晉庾亮曰襄陽北接宛

許南阻漢水庾翼曰襄陽荆楚之舊西接益梁與關隴指斥北去洛河不盈千里土沃田良方城險峻水路流通轉運無滯進可以掃盪秦趙退可以保據上流水經注城北枕沔水即襄陽

縣之故城 胡氏曰襄陽上流門戶北通汝洛西帶秦

蜀南遮湖廣東瞰吳越欲退守江左則襄陽不

如建鄴欲進圖中原則建鄴不如襄陽欲禦強

寇則建鄴襄陽乃左右臂也 後漢郡國志注荆州記曰襄陽舊楚

地理通釋 卷之十一 二十四 汲古閣

之北津從襄陽渡江經南陽出方關是周鄭晉衛之道其東津經江夏出平臯關是通陳蔡齊宋之道

樊

郡縣志襄州臨漢縣本漢鄧縣古樊城仲山甫

之國也縣城南臨漢水魏曹仁處樊蜀將關羽

圍樊會漢水暴長羽以舟師攻之故鄧城在縣

東北二十二里鄧塞故城在縣東南二十二里

南臨宛水阻一小山號曰鄧塞魏常於此治舟

艦以伐吳陸士衡表稱下江漢之卒浮鄧塞之

舟謂此也輿地廣記襄陽府鄧城縣後置樊城

縣後周省唐改安養曰臨漢復改鄧城有樊城

鎮曹操救樊駐軍摩陂摩陂在潁川郊縣今潁昌府郊縣魏明帝改陂曰龍陂城曰龍城

祖中 沮中

吳志赤烏四年朱然圍樊諸葛瑾取祖中朱然

傳赤烏五年征祖中注襄陽記曰祖中在上黃

界上黃縣宋初屬襄陽去襄陽一百五十里魏時夷王梅

地理通釋

卷之十一
二十五

汲古閣

敷兄弟部曲萬餘家屯此分布在中廬宜城西

山隄沔二谷中土地平敞宜桑麻有水陸良田

沔南之膏腴沃壤謂之祖中九年復征祖中音租

郡縣志祖山在襄州南漳縣漢臨沮縣東北一百八

里朱然諸葛瑾從沮中乘山險道北出祖中去

襄陽城百五十里蓋以地山相近因名或云司

馬宣王鑿八疊山開路於此停租通典南漳縣有地名祖中

吳朱然屯處宋何承天曰襄陽之屯民居星散晉宣

王謂宜徙沔南以實水北曹爽不用果亡沮中
沮中卽今襄陽南沮水左右地地理志房陵東
山沮水所出至郢入江水經注枝江縣舊治沮
中後移出 鄭獬襄州宜城縣木渠記曰木渠襄
百里洲

沔水走東南四十五里徑宜城之東北而入于
沔後漢王寵守南郡復鑿蠻水與之合於是溉
田六千餘頃至曹魏時夷王梅敷弟兄於其地
聚民萬餘家據而食之謂之柵中故當時號柵

地理通釋

卷之十一
二十六

汲古閣

中爲天下膏腴吳將朱然嘗兩提精兵爭其地
不得

隴西 南安

晉志隴西郡治襄武

唐渭
州縣

南安郡治獮道

唐渭
州隴

西水經注獮道獮戎邑也漢靈帝別爲南陽郡

通典渭州秦置隴西郡以居隴坻之西爲名漢

分立南安郡魏置鎮守在此鄧艾曰狄道隴西

南安祁山各當有守彼專爲一我分爲四

隴西
縣漢

源道地立南安郡於此隋改爲縣輿地廣記鞏州隴西縣本襄武縣地舊有隴西縣在襄武之東置南安郡後廢

狄道

通典蘭州魏爲重鎮蜀將姜維攻狄道不克狄

道縣秦漢舊縣宋熙寧五年置熙州

漢陽

晉志天水郡漢明改漢陽治上邽通典涼州領

郡十治於此魏爲重鎮晉分爲天水及武陽兩

地理通釋

卷之十一
二十七

汲古閣

郡兼置秦州領郡六治於此唐爲秦州

秦國始封之邑

今郡有秦亭秦國是也諸葛武侯云率益州之衆出秦川謂此

段谷

通典秦州上邽縣有段谷水姜維爲鄧艾破於

此水經注藉水又東合段溪水出西南馬門溪

東北流蘇氏曰鄧艾繼兵於蜀中非劉禪之庸

則百萬之師可以坐縛

斜谷

地理通釋

卷之十一
二十八

汲古閣

魏曹真以漢人數入請由斜谷伐之詔司馬懿
泝漢水由西城與真會漢中諸將或欲由子午
谷或欲由武威陳羣諫曰斜谷阻險轉運有鈔
截之虞漢志右扶風武功縣斜水出衙領山北
至郿入渭續漢志武功縣今郿縣也有斜谷注西征
賦注曰褒斜谷在長安西南南口褒北口斜百
七十里其水南流西都賦右界褒斜注梁州記
曰萬石城泝漢上七里有褒谷南口曰褒北口

曰斜長四百七十里水經渭水東逕武功縣北
注渭水於縣斜水自南注之水出縣西南衙領
山北歷斜谷逕五丈原東郡縣志鳳翔府郿縣
城亦曰斜城城南當斜谷因以為名五丈原在郿縣西南
二十
五里

陳倉

水經注陳倉縣有陳倉山

在縣南十里

山上有寶雞

祠今鳳翔府寶雞縣也

榮氏開山圖注伏羲徒治陳倉陳

倉水出陳倉山下東南流注于渭水又東與陽溪合上承斜水自斜谷分注綏陽溪北屈陳倉入渭諸葛武侯與兄瑾書曰有綏陽小谷雖山崖絕重溪水縱橫難用行軍者邏候往來要道通人今使前軍砍治此道以向陳倉足以拔連賊勢使不得分兵東行郡縣志陳倉城魏太和中將軍郝昭所築武侯進兵攻距二十餘日引去今城有上下二城相連上城是秦文公築下

地理通釋

卷之十一
二十九

汲古閣

城是郝昭築

水經注今溝水對城是與昭相禦處

通典今縣東二

十里故城是

三交城在寶雞縣四十六里司馬懿與武侯相距所築西京賦陳寶

鳴雞在焉三秦記太白山南有陳倉山

祁山

郡縣志祁山在成周長道縣東十里

長道熙寧六年屬岷

州今西和州

漢水逕其南有諸葛武侯壘之左右

猶有豐草蓋武侯所植也

本漢上祿縣地

水經注祁山

在嶓冢之西七十許里山上有城極爲巖固漢

水逕其南城南三里有武侯故壘壘之左右猶
豐茂宿草蓋武侯所植也在上邽西南二百四
十里開山圖曰漢陽西南有祁山九州之名岨
武侯表言祁山去沮五百有民萬戶魏牽招傳
孔明在祁山遣使連結軻比能比能至故北地
石城與相首尾郡縣志木馬山在利州景谷縣
西南二十五里諸葛武侯出祁山木牛流馬於

此造作因以名之

六合掌運圖祁山堡在西和
州長道鎮圖經云祁山去秦

地理道釋

卷之十一
三十一

汲古閣

之天水縣三十里山
圍六七里高數十丈

黎陽

漢屬魏郡水經注黎侯國也晉灼曰黎山在其
南河水逕其東今黎山東北有縣故城山在城
西城憑山岨河本屬衛州端拱元年建通利軍
後爲濬州有黎陽山大伾也寰宇記以爲黎侯
寓衛居之故縣得名述征記黎陽城西袁譚城
城南又有一城曹公攻譚所築

杜牧曰黎陽距
白馬津三十里

輿地廣記開德府臨河縣漢黎陽
縣地隋析黎陽置五代屬澶州

官渡

郡國志滎陽有鴻溝水文穎曰於滎陽下引河

東南為鴻溝即官度水也後漢注官度即古之

鴻溝在今鄭州中牟縣今屬開封府北官度口是也

水經注萇蕩渠左逕陽武縣故城南東為官渡

水又逕曹公壘北有高臺謂之官渡臺在中牟

城北世又謂中牟臺袁紹臨官渡起土山地道

地理通釋

卷之十一
三十一

汲古閣

以逼壘公亦起高臺以捍之即中牟臺也今臺

北土山猶在山之東紹舊營遺基並存郡縣志官渡臺

亦名曹公臺在中牟縣北十二里裴松之北征
記曰中牟臺下臨汴水是為官度袁曹壘尚存

焉

白馬

後漢注縣屬東郡今滑州白馬縣也故城在今

縣東括地志白馬故城在滑州衛南縣西南二十四里白馬山在縣東

北三十四里津與縣取此山為名水經注黎陽

東岸有故城竹書紀年梁取枳道與鄭鹿鄭鹿
卽是城也今城內有故臺謂之鹿鳴臺又謂鹿

鳴城

郡縣志在白馬縣北三十里王玄謨自滑臺走鹿鳴

亦曰鹿鳴津又

曰白馬濟津之東南有白馬城衛文公東徙渡
河都之故濟取名焉袁紹攻劉延於白馬卽此

處寰宇志黎陽縣

滑州

東黎陽津一名白馬津澶

州臨河縣有白馬城郡縣志白馬故關在衛州

黎陽縣東一里五步

白馬津卽此地後改名黎陽津此白馬津之北岸慕

地理通釋

卷之十一 三十二

汲古閣

容德徙滑臺至黎陽津冰合夜濟改爲天橋津
高齊移石濟關於此造橋改名白馬關周世宗
北征命學士爲文祭白馬祠秉筆者疑其所出
訪於尹拙拙歷數郡國祠白馬者凡十餘處

延津

左傳注陳留酸棗縣北有延津郡國志注酸棗

卽鄭廩延之地水經河水東至酸棗縣西濮水

東出焉河水又東北通謂之延津

注石勒號爲靈昌津

又

右逕滑臺城

注城卽鄭廩延邑下有延津春秋傳孔悝載伯姬于平陽行于延津

是也廩延南故城卽衛之平陽亭今人謂此津爲延壽津

郡縣志延津在衛

州衛縣西二十六里曹公遣于禁度河守延津
卽此地延津卽靈昌津也在滑州靈昌縣東北
二十二里左傳廩延曹公北救劉延至延津皆
此津也輿地廣記開封府酸棗縣有延津唐志
衛州新鄉縣東南有故延津關衛縣熙
寧六年省爲鎮入黎陽新鄉省爲鎮入汲縣晉
載記石勒赴金墉濟自大碣先是流澌風猛軍
至冰泮清和勒以爲神
靈之助命曰靈昌津

潼關

郡縣志在華州華陰縣東北三十九里古桃林

地理通釋

卷之十一
三十三

汲古閣

塞也

左傳晉使詹嘉處瑕以守桃林之塞注云華陰縣東潼關

關西一里有

潼水因以名關又云河在關內南流衝激關山

因謂衝關

水經注潼激關山因謂潼關

按秦函谷關在漢弘

農縣卽靈寶縣陝州西南十二里故關是也今大

路在北本非衿束之要漢武元鼎三年楊僕爲

樓船將軍本宜陽人

今福昌縣

恥居關外請以家僮

七百人徙關於新安帝從之卽新安縣

河南府東

一里函谷故關是也初平二年董卓脅獻帝西

幸長安出函谷關自此已前其關並在新安至

建安十六年曹公破馬超於潼關是中間徒於

今所通典云國之巨防史官闕載今歷二處而至河潼上躋

高隅俯視洪流盤紆峻極實謂天險河之北岸

則風陵津北至蒲關六十餘里河山之險邈逸

相接自此西望川途曠然蓋神明之與區帝宅

之戶牖通典本名衝關河自龍門南流衝激華山東故以為名黃巷坂在

虢州閿鄉縣西北二十五里即潼關路也水經

地理通釋 卷之十一 三十四 汲古閣

注河水自潼關東北流水側有長坂謂之黃巷

坂東出通謂之函谷關岸高道隘車不得方軌

魏武征韓遂馬超連兵此地今河之西有曹公

壘潘岳西征賦遡黃巷以濟潼灌水注之北流逕通谷亦謂通

谷水東北注于河述征記所謂潼谷水或說因

水以名呂氏曰安祿山黃巢之入長安因潼關

失守北林名曰桃林書放牛桃林之野注云在華山東山海經夸父之山其

廣圍三百里 三秦記桃林塞在長安東四百

里西京賦注桃林在閿鄉南谷中晉地道記漢弘農函谷關有

桃林寰宇記自陝州靈寶縣已西至潼關皆是

也隋置桃林縣唐更名靈寶縣西南境卽古桃林之野今攷古函谷關在

陝州靈寶縣西南潼關在華州華陰縣自潼關

至函谷歷陝華二州之地俱謂之桃林塞蘇氏

曰曹公旣滅二袁呂布劉表欲遂取江東而不

克旣破馬超韓遂欲并舉巴蜀而不果

滎陽汴水

地理志卞水在滎陽縣西南水經汴水出陰溝

地理通釋

卷之十一
三十五

汲古閣

于浚儀縣北注陰溝卽浪蕩渠也汭受旃然水

丹泌亂流于武德絕河南入滎陽合汭南豐曾

氏曰昔禹于滎澤下分大河爲陰溝出之淮泗

至浚儀西北復分二渠其後或曰鴻溝始皇疏

之以灌魏郡者是也或曰浪宕渠自滎陽五池

口來往鴻溝者是也或曰浚儀渠漢明帝時循

河流故瀆作渠渠成流注浚儀者是也或曰石

門渠靈帝時於敖城西北累石爲門以遏渠口

者是也石門渠東合濟水與河渠東注至敖山之北而兼汴水又東至滎陽之北而旃然之水東流入汴滎陽之西有廣武二城汴水自二城間小澗中東流而出濟水至此乃絕桓温將通之而不果者晉大和之中也劉裕浚之始有湍流奔注而岸善潰塞裕更疏鑿以漕運者義熙之間也皇甫誼發河南丁夫百萬開之起滎澤入淮千有餘里更名之曰通濟渠者隋大業之

地理通釋

卷之十一
三十六

汲古閣

初也裴耀卿言江南租船自淮南北泝鴻溝轉相輸納於河陰含嘉太原等倉凡三年運米七百萬石者唐開元之際也後世因其利焉太宗嘗命張洎論著其興鑿漕運之本末如此宋至道之間也蘇氏曰自淮泗入河必道於汴世謂隋煬帝始通汴入泗禹時無此水道以疑禹貢之言此特學者考之不詳禹貢九州之末皆記入河水道而淮泗獨不能入河帝都所在理不

應爾意其必開此道以通之其後或爲鴻溝或爲官渡或爲汴上下百餘里間不可必知然皆引河水而注之淮泗也晉王濬伐吳杜預與之書曰自江入淮逾於泗汴沂河而上振旅還都王濬舟師之盛古今絕倫而自汴沂河可以班師則汴水之大小當不減於今又足以見秦漢

魏晉皆有此水道非煬帝創開也韓氏曰禹貢揚州貢路自

江順流入海又自淮泗入荷沂沛入河傳謂吳王夫差始通邗溝以禹貢考之淮南虞夏之間

地理通釋

卷之十一
三十七

汲古閣

無水道也易氏曰揚之貢在北者可徑達淮泗在南者邗溝未開無道入淮必松江海以達淮泗至淮泗則與徐州同貢以達于河後山陳氏曰漢末河入于汴

卽汴字 灌注兗豫永平中導汴自滎陽別而東北

至千乘入于海而河於是故瀆在新渠之南水

經注所謂絕河而受索自此始隋開皇中因漢

之舊導河于汴大業初合河索爲通濟渠別而

東南入于淮而故道竭今于畿爲白溝於宋爲

沙於單爲石梁於徐爲汴而入於南清南清故泗也

郡縣志汴渠在河南府河陰縣南二百五十步

本漢滎陽縣地

卽古黃蕩渠河陰後屬孟州

九域志汴水古

通濟渠也

郡縣志汴州浚儀縣琵琶溝水西自中牟縣界流入通濟渠隋煬帝欲幸

江都自大梁城西南鑿渠引汴水卽葭宕渠也

故市 烏巢

袁氏輜重萬餘乘在故市烏巢郡縣志故市城

在鄭州管城縣西北三十里晉地理志烏巢在

酸棗縣東南水經濟瀆東逕酸棗縣之烏巢澤

地理通釋

卷之十一 三十八

汲古閣

北注澤在酸棗之東南

酸棗本秦舊縣屬陳留郡隋開皇十六年屬滑

州今屬開封府

鄧塞

郡縣志鄧塞故城在襄州臨漢縣

本漢鄧縣地今鄧城縣

東南二十二里南臨宛水阻一小山號曰鄧塞

昔孫文臺破黃祖於此山下魏常於此裝治舟

艦以伐吳陸士衡表稱下江漢之卒浮鄧塞之

舟謂此也

故鄧城在縣東北二十二里

今按陸士衡辯亡論

魏氏浮鄧塞之舟下漢陰之衆

注水經注曰鄧塞者卽鄧城東

北小山因之以爲鄧塞漢陰漢水之南也莊子曰子貢南遊于楚過漢陰九域志穀城縣有鄧

塞鎮

蘇氏曰項籍有取天下之才而無取天下之慮
曹操有取天下之慮而無取天下之量劉備有
取天下之量而無取天下之才三人者終其身
無成焉

地理通釋

卷之十一
三十九

汲古閣

通鑑地理通釋卷之十二

三國形勢攷下

吳之亡雖後於蜀而其亡國之兆已在於蜀亡之時蓋吳居東蜀居西東西之勢相爲脣齒孫權之與昭烈氣雖不相下而實相資故權以荊州借蜀而蜀亦結好於權終老瞞之生不敢窺吳蜀惜乎昭烈纔得荊州而孫權卽擒關羽其後魏師之入蜀不能求救於吳而吳亦坐視蜀之亡徘徊於壽

地理通釋

卷之十二

汲古閣

春沔中而莫能勇於救蜀是以蜀亡而吳亦從之

吳重鎮

十鎮

通典吳以建平西陵樂鄉南郡巴丘夏口武昌皖城牛渚圻濡須塢並爲重鎮

郡縣志十鎮並爲重鎮

其後得

沔口邾城廣陵胡文定公設險論曰地有常險則守亦有常勢當孫氏時上流爭襄陽而不得故以良將守南郡與夷陵下流爭淮南而不得故以大衆築東興與皖口中流爭安陸而不得故以三萬

勁卒戍邾城

建平

通典歸州漢屬南郡吳置建平郡

在秭歸縣

以為重

鎮其地險固晉王濬自蜀沿流伐吳吳守將吾

彥請建平增兵若建平不下晉師終不敢過即

秭歸縣界太清鎮在縣東南八十五里吳置以

備蜀號吳城居三峽要衝塞山蠻之路隋於此

置鎮

楚熊繹初都丹陽今縣東南七里故城是也古夔子國城在郡東二十里

陸抗

地理通釋

卷之十二

汲古閣

曰西陵建平國之蕃表既處下流受敵二境晉

志蜀分南郡立宜都郡後屬吳孫休分宜都立

建平郡

水經注宜都郡治在夷道縣東四百步故城陸遜所築為二江之會

西陵 峽口

通典峽州楚夷陵漢屬南郡魏武置臨江郡蜀

改為宜都吳黃武元年破蜀改夷陵為西陵常

為重鎮陸遜曰夷陵要害國之關限若失之則

荊州可憂陸抗曰西陵國之西門唐為峽州扼

三峽之口西通蜀江

夷陵縣有夷山故城在縣西北吳之西陵晉復改爲

夷陵巴山縣古扞關楚王南拒蜀處宜都縣有荆門虎牙二山狼尾灘

輿地廣記

郡城陸抗所築郡縣志陸遜爲宜都守鎮此蜀

來伐大破之後陸抗鎮焉西陵峽山在夷陵西

北二十五里陸遜破蜀還屯夷陵守峽口以備

蜀卽此荆州記曰自縣泝江二十里入峽口名

爲西陵峽長二十里層巖萬仞所謂三峽卽其

一也或曰巴東自有三峽此卽峽口也州城陵

地理通釋

卷之十二

汲古閣

抗之壘也水經注夷水逕宜都北東入大江江

水東逕黃牛山又東逕西陵峽又東逕陸抗故

城北注云宜都記曰自黃牛灘東入西陵界至

峽口百許里山水紆曲

三峽廣溪峽巫峽西陵峽也廣溪爲三峽之首

昔禹鑿以通江所謂巴東之峽東至西陵七百里巫峽因山爲名瞿塘峽在夔州奉節縣東三

里不在三峽之數自三峽七百里中兩岸連山略無闕處重巖疊障隱天蔽日

吳紀涉

曰自西陵以至江都五千七百里疆界雖遠其

險要必爭之地不過數四胡文定公曰湖北要

會在荆峽故劉表時軍資寓江陵先主時重兵屯油江口關羽孫權則併力爭南郡陸抗父子

則協規守宜都晉大司馬溫及其弟沖則保據

渚宮與上明此皆荆峽封境也

辨亡論陸公以偏師三萬北拒

東坑注東坑在西陵步闡城東北長十餘里陸抗所築之城在東坑上當闡城之北其迹並存荆州圖記夷陵縣南對岸有陸抗故城周迴十里三百四十步卽山爲墉四面天險

樂鄉

通典樂鄉城在江陵府松滋縣東七十里吳建

地理通釋

卷之十二

汲古閣

衡三年陸抗所築後朱然修之戍焉然子績爲

樂鄉督陸抗傳永安二年都督西陵建衡二年

都督信陵西陵夷道樂鄉公安諸軍事治樂鄉

晉庾翼請據樂鄉廣農穡穀以伺二寇之釁王

述曰彼去武昌千有餘里江渚有虞不相接救

水經江水又逕孱陵縣之樂鄉城北注云陸抗所築通典馬頭故戍城在

公安縣西北六十里陸抗所屯以北對江津與

羊祜相拒水經注江津或南對馬頭岸

南郡

通典今江陵府吳將張咸伍延守之郡縣志吳克荊州呂蒙及朱然陸遜相繼守之晉平吳改爲南平郡治江安今公安縣尋復爲南郡羊祜杜預繼治荊州或鎮襄陽或鎮江陵東晉王忱始於江陵管城府此後常以江陵爲州治唐上元元年改荊州爲江陵府自東晉以後居建業以揚州爲京師根本荊州爲上流重鎮比周之分陝

地理通釋

卷之十二
五

汲古閣

焉渚宮楚別宮今州所治卽其地何承天曰吳城江陵移入南岸周瑜領南郡太守屯據江陵南齊州郡志漢中平末荊州刺史王睿始治江陵吳時西陵督鎮之晉平吳以爲刺史治陶侃爲刺史治沌口王敦治武昌其後或還江陵或在夏口桓溫平蜀治江陵桓沖避居上明頓陸遜樂鄉城上四十餘里以接近三峽無西疆之虞故重戍江南輕戍江北後復得襄陽太元十

四年王忱還江陵

江陵去襄陽步道五百勢同唇齒

江左大鎮

莫過荆揚

稱荊州為陝西

胡氏曰孫皓之季慮不及遠

徹南郡之備專意下流於是杜預王濬一舉取

之

何充謂荆楚國之西門得之則中原可定失人則社稷可憂宋武帝以荊州居上流之重

資實兵甲居朝廷之半故以諸子居之不以屬

也南氏有二臣爭權君弗能制南氏用分爲二

南國按韓嬰敘詩云其地在南郡南陽之間呂氏春秋所謂禹自塗山南省南土是郡取名焉

巴丘

地理通釋

卷之十二

汲古閣

通典今岳州吳爲重鎮魯肅萬彀屯於此東晉

使陶侃鎮守郡縣志岳州巴陵縣本漢下雋縣

之巴丘地

下雋屬長沙故城在今蒲圻縣界

吳初巴丘置大屯

戍使魯肅守之蜀志曰西增白帝之兵東益巴

丘之戍巴陵城對三江口

岷江爲西江澧江爲中江湘江爲南江

巴丘湖又名青草湖在縣南七十九里

周迴二百六十

五里俗云卽古雲夢澤

水經注巴丘山在湘水右岸山有

巴陵故城本吳之巴丘邱閣城也晉立巴陵縣

於此宋立巴陵郡陶侃以江陵偏遠移鎮巴陵
夏口

南齊志夏口吳置督將爲魯口屯對魯山岸因
爲名晉永嘉中荊州刺史山簡自襄陽奔夏口
庾翼爲荊州治夏口並依地嶮也太元中桓沖
移鎮上明上表言江州刺史桓嗣宜進屯夏口
據上下之中於事爲便義熙元年劉毅以爲夏
口二州之中地居形要控接湘川邊帶滄沔請

地理通釋

卷之十二
七

汲古閣

荊州刺史劉道規鎮夏口六年自臨鄣徙治夏
口城據黃鵠磯邊江峻險樓櫓高危瞰臨沔漢

郡縣志鄂州春秋時謂之夏汭漢爲沙羨之東

境

吳錄黃祖爲江夏太守始於沙羨置屯

自後漢末謂之夏口亦

名魯口爲吳之要害常以重兵鎮之

周瑜請精兵進住夏

口魏司馬懿曰夏口東關敵之心喉東晉孝武

時桓石仁屯守宋孝武分荆湘江三州之八郡

爲郢州以分上流之勢

鎮江

隋平陳改爲鄂州

州城本夏口城吳黃武二年城江夏以安屯戍地也城西臨大江西角因磯爲樓名黃鶴樓吳

魯淑爲夏口督晉地理志沙羨有夏口對沔口

有津吳志赤烏二年城沙羨江夏縣本漢沙羨縣地括地

志漢水始欲出大江爲夏口又爲沔口輿地廣

記按水經注夏水本江之別出自江陵縣東南

流又東過華容縣南今石首縣又東至雲杜縣今復州沔

縣陽入沔謂之賭口冬竭夏流故曰夏水自賭口

地理通釋

卷之十二

汲古閣

下沔水通兼夏口而南至魯山下會于江在今

江夏縣西通典建安十三年孫權克黃祖後置

兵鎮卽今鄂州水經沔水南至江夏沙羨縣北

南入于江注庾仲雍曰夏口一曰沔口江水東

至華容縣西夏水出焉注船官浦東卽黃鵠山

東北對夏口城孫權所築也依山傍江對岸則

入沔津故城以夏口爲名亦沙羨縣治按水北曰沔則

夏沔者江北之夏口左傳注漢水曲入江處何尚之云夏口在荆江

之中正對沔口後漢劉表傳注夏口卽今鄂州
宋元徽元年夏口闕鎮以其地居尋陽上流欲
使腹心居之齊劉懷珍曰夏口兵衝要地宜得
其人薛氏曰夏口南臨大山三方阻水漢陽以
北限隔陂湖虜出上蔡則武昌夏口當其衝

陸口

魯肅呂蒙屯陸口

陸遜代蒙至陸口呂岱還陸口

在鄂州蒲圻

縣南寰宇記云卽陸溪口也

魯肅爲漢昌太守漢昌岳州平江縣

地理通釋

卷之十二
九

汲古閣

吳曰吳昌

水經注練浦東合練口江浦也南直練洲

江之右岸得蒲磯口卽陸口也水出下雋縣西

三山溪其水東逕陸城北又逕下雋縣北北對

金城吳將陸渙所屯也陸水又入蒲圻縣北逕

呂蒙城西昔孫權征長沙零桂所鎮也陸水右

逕蒲磯山北大江北對蒲圻洲卽蒲圻縣治

也白沙口一名沙屯南直蒲圻洲水北入百餘

里吳所屯也

建安十九年孫權遣呂蒙取長沙零陵桂陽三郡使魯肅屯巴丘以

禦關羽權任陸郡縣志呂蒙城在鄂州蒲圻縣

口為諸軍節度西南八十里定荊州於此鎮守本沙美地吳分立蒲圻縣本屬

長沙郡隋屬鄂州

武昌

通典建安二十五年吳城武昌陸遜諸葛恪滕

牧鎮守今鄂州武昌縣東晉謝尚庾翼屯守於

此郡縣志武昌縣舊名鄂本楚熊渠封中子紅於此稱王楚辭乘鄂

渚而反顧漢以為縣屬江夏郡吳以下雒尋陽陽新

地理通釋

卷之十二

汲古閣

柴桑沙羨武昌六縣為武昌郡黃武初自建業

徙都還都建業故都城在縣東一里餘本漢將灌嬰

所築晉陶侃温嶠桓温為刺史並治其地嘉定十五

年以武昌縣置壽昌軍晉志武昌郡領縣七有沙羨鄂武

昌三縣沙羨今鄂州也武昌故東鄂今州東北八十里武昌山在縣南百九十里鄂縣

有新典鐵官蓋東近興國軍界非今之鄂州也宋志江夏郡治夏口而鄂縣隸武昌郡吳改鄂

為武昌晉太康元年復立鄂縣而武昌如故隋廢鄂縣入武昌水經注孫權改

鄂曰武昌鄂縣徙治於袁山東又立為江夏郡

分建業之民千家以益之黃龍元年權遷都建業以陸遜輔太子鎮武昌孫皓亦都之皓還東令滕牧守之晉永平中始置江州傅綜爲刺史治此城後庾亮之所鎮也今武昌郡治城南有袁山卽樊山也晉王述曰武昌實是江東鎮戍之中非但扞禦上流而已急緩赴告駿奔不難

晉伐吳使王戎襲武昌

薛氏曰武昌乃吳建都而王陶溫

庾之所爲督府者其地襟帶江河依阻湖山左

地理通釋

卷之十二
十一

汲古閣

控廬淝右連襄漢南北二塗有如繩直胡人南牧嘗出此以襲豫章張魏公曰鄂州城東通武昌樊口昔孫權移都武昌以拒魏師渡江而西接連川陝中原聲援絡繹可通

下雒 陽新

下雒漢屬江夏伍被謂淮南王安曰守下雒之城絕豫章之口郡縣志下雒故縣在永興縣東

南一百四十里

永興本
鄂縣

陽新吳分鄂縣立

隋開
皇九

年改富川十八年
收永興今興國軍
水經注江之右岸富水注之

水出陽新縣之青湓山
淮南李神福曰永興大縣饋運所仰

尋陽 柴桑

尋陽漢屬廬江通典漢舊縣在江北蘄州界晉

溫嶠移於江州柴桑漢屬豫章晉志有湓口關

隋廢改名湓城唐復改尋陽通典尋陽縣南楚

城驛卽舊柴桑縣也郡縣志柴桑故城在江州

潯陽縣今德化縣西南二十里

地理通釋 卷之十二 十二 汲古閣

皖城 皖口

郡縣志舒州今安徽府春秋時皖國咎繇之後漢爲皖縣

屬廬江三國初屬魏孫權征皖克之按吳志孫策與周瑜

襲皖城克之後爲重鎮令諸葛恪屯戍之曹公恐江濱郡縣爲

權所略令內移民轉相驚自廬江九江蘄春廣

陵戶十餘萬皆東渡江江西遂虛合肥以南惟

有皖城建安十九年權征皖城克之正始二年
權遣恪屯皖城以伺邊隙四年司馬懿攻皖恪
退屯柴桑

懷寧縣本漢皖縣皖山在縣西十里皖水
西北自壽州霍山縣流經縣北二里又東南流

二百四十里入大江謂之皖口

九域志懷寧縣有皖口鎮

塘陂在縣西二十里皖水所注曹公遣朱光為

廬江太守屯皖大開稻田呂蒙言皖地肥美若

一收熟彼衆必增於是征皖破之

此塘即朱光所開也薛氏

曰吳陂堰皖水朱光呂蒙所爭皖屯也晉咸寧四年吳人大佃皖城王渾遣應綽破之同安志城居皖水之北遂號皖城諸葛恪傳乞率衆佃廬江皖口因輕兵襲舒

牛渚圻

郡國志秣陵南有牛渚孫策攻劉繇牛渚營周

地理通釋

卷之十二 十三

汲古閣

瑜出備牛渚通典當塗縣

今太平州

有牛渚圻亦謂

之採石

輿地志牛渚山北謂之採石

吳為重鎮孫皓時以何

植為牛渚督

晉師來伐遣王渾向牛渚

郡縣志當塗縣本漢

丹陽縣地

當塗本屬九江故城在濠州鍾離縣西十七里塗山在壽春縣東北以塗

山為邑名晉分丹陽置于湖縣成帝時以江北當塗縣流人過江在于湖者僑立當塗縣

渚山在縣北三十五里

山突出江中謂之牛渚圻津渡處也秦始皇東

巡會稽道由丹陽至錢塘即從此渡也晉謝尚鎮於此採石戍在

縣西北三十五里西接烏江北連建業城在牛

渚山上與和州橫江渡相對隋師伐陳賀若弼

從此渡

隋平陳置貞觀初改鎮爲戍

博望山在縣西三十五

里與和州對岸江西岸曰梁山在歷陽縣南七

十里

兩山相望如門俗謂天門山

山上皆有却月城宋王玄

謨所築六代於此屯兵扞禦

王濬伐吳宿于牛渚部分明日前至

三

水經注牛渚在姑孰烏江兩縣界中

西採石在和州

歷陽縣東二十里

胡氏曰昔人謂大江天所以限南北

而陸抗乃曰此守國末務非智者所先何也杜

地理通釋

卷之十二
十四

汲古閣

預嘗襲樂鄉矣胡奮嘗入夏口矣賀若弼嘗濟

廣陵矣曹彬嘗渡采石矣則其險信未足恃也

雖未足恃然魏武困於居巢曹丕困于濡須拓

跋困于瓜洲苻堅困於淝水皆不得渡則其險

亦未可弃也設險以得人爲本保險以智計爲

先人勝險爲上險勝人爲下人與險均纔得中

策張氏曰前世南北戰爭之際魏軍嘗至瓜步

矣石季龍掠騎嘗至歷陽矣石勒寇豫州至江

而還此皆限於江而不得騁者也周瑜謂捨鞍馬事舟楫非彼所長赤壁之役果有成功至於羊祜之言則以南人所長惟在水戰一入其境長江非復所用有如瑜者爲用則祜之言謂之不然可也無如瑜者爲用則祜之言不可不察也州縣一也有最爲要害者津渡一也有最宜備豫者苻堅自項城來壽陽孫恩自廣陵趨石頭王敦渡竹格蘇峻濟橫江侯景渡采石考前

地理通釋

卷之十二
十五

汲古閣

世盜賊與夫南北用兵由壽陽歷陽來者十之七由橫江采石渡者三之二至於據上流之勢以窺江左者尚未論也吳氏曰大江之南上自荆岳下至常潤不過十郡十郡之間其要不過七渡上流最緊者三荆南之公安石首岳之北津中流最緊者二鄂之武昌太平之采石下流

最緊者二建康之宣化鎮江之瓜州

葉氏曰沿江控扼要

地有三太平州之采石渡建康府之馬家渡宣化度采石江濶而險馬家渡江狹而平兩處相

去六十里皆
與和州對岸

濡須塢 濡須口

通典和州歷陽縣西南一百八十里有濡須水

建安十七年孫權築塢於此以拒曹公周泰朱

桓皆爲守將

二十一年曹公自來攻圍吳黃武二年魏軍又攻不拔

郡縣

志濡須塢在和州含山縣西南二十十里濡須

水源出巢縣西

今無爲軍縣

巢湖亦謂之馬尾溝東

流經亞父山又東南流注于江建安十八年曹

地理通釋

卷之十二
十六

汲古閣

公至濡須與孫權相拒月餘權乘輕舟從濡須

口入偃月塢在巢縣東南二百八里濡須水口

初呂蒙守濡須聞曹公將來夾水築塢形如偃

月故以爲名按濡水與和州含山縣分中流爲

界

建安中曹公軍居巢孫權在濡須口築城拒守魏又遣曹仁張遼等屯居巢後屬吳朱桓

代周泰爲濡須督朱然備大塢及三關屯

濡須山在含山縣西南七

十五里與無爲軍七寶山對峙中爲石梁鑿石

通水山川險阻吳魏必爭之地吳據其北築塢

濡須水卽濡須山東關之水也

水經注江水自濡須口又東左會柵口柵水又東南流注于大江謂之柵口水

輿地志柵江口古濡須口也吳魏相持於此吳

築兩城於北岸魏置柵於南岸今柵江裕溪當利三處皆為南

北衝要柵江在歷陽縣西南一百五十里與無為軍分界真氏曰按宋書塢

小障也孫氏之保江左邾城雖小猶屯三萬人自古立國東南以兩淮為根本周

氏曰魏之重鎮在合肥孫氏既夾濡須而立塢

矣又隄東興以遏東湖又堰涂塘以塞北道然

地理通釋 卷之十二 汲古閣

總之不過於合肥巢縣之左右力遏魏人之東

而已魏不能過濡須一步則建鄴可以奠枕故

孫氏之為守易葉氏曰自古保江必先固淮曹

操不能越濡須苻堅不能出渦口魏太武不能

窺瓜步周世宗不能有壽春皆以我先得淮也

王氏曰三國鼎立南北瓜分之際兩淮間常為

天下戰場孫仲謀立塢濡須曹操先計後戰不

能爭也謝幼度師于淝上苻堅擁衆山立不能

抗也沈璞守一盱眙佛狸傾國南向往復再攻其城不能下也吳氏曰吳據荆揚盡長江所極而有之而壽陽合肥蘄春皆爲魏境吳不敢涉淮以取魏而魏不敢絕江以取吳蓋其輕重強弱足以相攻拒也故魏人攻濡須吳必傾國以爭之吳人攻合肥魏必力戰以拒之終吳之世曾不得淮南寸地故卒無以抗魏及魏已下蜀經略上流屯壽春出廣陵則吳以亡矣

宋何承天曰曹

地理通釋

卷之十二 十八

汲古閣

孫之霸才均智侔江淮之間不居者數百里濡須之成家停羨溪濡須在歷陽郡南百八十里羨溪在其東三十里

東興 東關 巢湖

郡縣志巢湖在巢縣今無爲軍西五十里周迴五百

里南出於東關口東關口縣東南四十里接巢

湖在西北至合肥界東南有石渠鑿山通水是

名關口相傳云夏禹所鑿一號東興唐志巢縣東南四十

里有故東關今其地高峻險狹實守扼之所故天下

有事是必爭之地吳魏相持於此吳築城魏亦對岸置柵嘉平四年諸葛恪於東關作大隄遏巢湖左右依山挾築兩城使全端雷略守之魏遣諸葛誕胡遵圍東關將壞其堤恪大破之

東關

又在和州含山縣西九十里

巢湖亦名焦湖在廬州合肥縣

東南六十四里本居巢縣地後陷爲湖今與巢

縣廬江分湖爲界

後漢紀作灑元魏任城王澄表稱蕭衍頻斷東關欲令灑

湖泛溢以灌淮南諸戍

諸葛武侯曰曹操四越巢湖不成

地理通釋

卷之十二十九

汲古閣

張魏公曰巢河之水上通焦湖濡須正扼其衝

東西兩關又從而輔翼之餽舟難通故雖有十

萬之師未能寇大江薛氏曰西自皖東至揚多

斷流爲阻故自前世征役舟師皆出東道如吳

邗溝魏廣陵周鶴河等率資臨水之利南北所

通行也惟廬壽一路陸有東關濡須硤石之阨

重以陂水之限最爲險要

東關恃東興塘濡須恃濡須水硤石蔽皖

紹興十一年劉錡至東關見其地負山面水乃引兵據之以遏虜衝

邾城

通典今黃州東西界臨江與武昌相對郡縣志
故邾城在黃州黃岡縣東南一百二十里古邾

國也

後爲楚所滅漢以爲縣屬江夏郡

吳克邾城使陸遜以三

山人城而守之

赤烏四年八月陸遜城邾

晉陶侃傳議者以

武昌北岸有邾城宜分兵鎮之侃曰我所以設
險禦寇正以長江耳邾城隔在江北內無所倚
外接羣夷必引寇虜自吳時此城乃三萬兵守

地理通釋

卷之十二
二十

汲古閣

今縱有兵守之亦何益於江南後庾亮以毛寶
戍之果敗真氏曰今蘄舒黃三州之北有大山
縣亘八百里俗呼爲西山邾城在山之南東晉
時密迫羣夷所以不可置戍與今不同葉氏曰
孫氏以江北守江而不以江南守江楊氏曰固
國者以江而不以淮固江者以淮而不以江僻
氏曰淮東之地沮澤多而丘陵少淮西山澤相
半無水隔者獨邾城白沙戍入武昌及六安舒

城走南碛二路耳胡氏曰自古未有欲守長江而不保淮甸者淮甸者國之唇江南者國之齒

唐氏曰曹公以數十萬再至居巢逡巡而不能進諸葛誕以步騎七萬失利而退以濡須東與之阨其吭也

安陸

水經注安陸城故郟城也因岡爲墉漢屬江夏

今德安府郡縣志安陸縣城三重西枕澗水故清發

水也西北自隨州流入注于沔謂之澗口春秋

地理通釋

卷之十二
二十一

汲古閣

吳敗楚柏舉及清發是也雲夢澤在縣南五十

里晉庾翼欲北伐上疏移鎮安陸胡文定公曰

欲固中流必以重兵鎮安陸薛氏曰北接隨唐

東橫南鄂西接荆郢亦江漢間一都會也

陪尾山在

安陸縣今曰橫尾山

沔口

漢入江處謂之沔口魏吳皆以爲重鎮

見前辭

氏曰上游糧餉由沔而達襄郢由澗而入安隨

廣陵

見前

涂中 涂塘

郡縣志滁州漢全椒縣地

通典齊志南譙郡隋改滁州

晉琅

邪王伯出滁中卽此地吳赤烏十三年作堂邑

涂塘以淹北道

涂水名音除

漢堂邑縣屬臨淮後漢

屬廣陵九域志真州六合縣楚之棠邑也堂邑

涂塘卽此今名瓦梁河晉咸和元年議欲作涂

地理通釋

卷之十二 二十二

汲古閣

塘以遏胡寇祖約曰是棄我也太元四年謝石

帥舟師屯涂中

滁水在全椒縣南六十里源出廬州梁縣東流經滁及六合縣

至瓜步入于大江滁河在和州歷陽縣北六十里

薛氏曰滁和州六合

間有涂塘吳赤烏中遣兵十萬斷涂作塘南唐

於滁水上立清流關瓦梁堰有東西瓦梁城晉

置秦郡治六合周顯德三年南唐何延錫建言

六合西二十五里有堰曰瓦梁水曰滁河內河

而上數百里鉅細駢比合五十四流輻湊吳堰

中闕橫斷羣山回環不止魚三州氓海四百里
其實據天經而絕地緯之要者功未就而罷景

德元年毀之

瓦梁堰卽涂塘也是塞滁水以爲塘堰隋志六合縣後齊置瓦梁郡

何氏曰晉之取吳二十萬耳而所出之道六隋
之取陳五十萬耳而所出之道八所出之道多

則彼之受敵者衆

吳西不得蜀北不得淮北齊於秦郡置秦州州前江浦

通涂水齊人以大木爲柵於水中秦州卽六合縣

朱氏黼曰吳大帝築

堂邑涂塘以淹北道王凌表請攻討而司馬懿

地理通釋

卷之十二
二十三

汲古閣

不許諸葛恪一城東興以遏巢湖而魏之三將
數十萬之衆皆覆沒於隄下則堰水以固圍未
爲非策也唐氏曰自古天下裂爲南北其得失
皆在淮南晉元帝渡江迄于陳抗對北虜者五
代得淮南也楊行密割據迄于李氏不賓中國
者三姓得淮南也吳不得淮南而鄧艾理之故
吳并於晉陳不得淮南而賀若弼理之故陳并
於隋南得淮則足以拒北北得淮則南不能自

保矣劉氏

季裴

曰自古守淮莫難於謝玄又莫

難於楊行密淝水之役謝玄以八千人當苻堅
九十萬之衆清口之役楊行密以三萬人當朱
全忠八州之師衆寡殊絕而卒以勝者扼淮以
拒敵而不延敵以入淮也孫仲謀以江守江行
密以淮守淮晉人以淮守江薛氏曰孫氏割據
作涂中東興塘以淹北道南朝瓦梁城塞後湖
爲淵障蔽長江號稱北海大抵淮東之地沮澤

地理通釋

卷之十二
二十四

汲古閣

多而丘陵少淮西山澤相半無水隔者獨邾城
白沙戍入武昌及六安舒城走南硤二路耳古
人多於川澤之地立塘隄以遏水溉田在孫氏
時盡罷縣邑治以屯田都尉自劉馥鄧艾之後
大田淮南迨南北朝增飭彌廣今舒州有吳陂

堰

朱光呂蒙所爭皖
屯也陂堰皖水

廬江有七門堰

劉馥斷龍
舒水作

巢縣有東興塘

諸葛恪作
遏巢湖水

滁和州六合間有滁

塘

吳赤烏中遣兵十萬斷滁作塘於其上源今
梁縣界置滁陽城晉以爲南梁郡南唐於滁

水上立
清流關
瓦梁堰
有東西瓦梁城晉置秦郡而治六合周顯德三年南唐何延錫

建言堰五十四流不止魚三州珉海四百里其實据天經絕地緯功未就而罷景德元年毀之

天長有石梁堰
源出滁州入高郵為
高郵有白

馬塘
唐阻三阿溪謝玄破都顏俱難李孝逸破李敬業處
揚州有召伯埭

謝安堰艾陵湖
裘塘屯
齊高帝建武五年遏艾陵湖立
楚州有

石鼈塘
鄧艾作荀羨復屯
射陂
漢舊
洪澤陂
唐大曆二年與射陽

湖並置官屯射陽湖卽射陂也
淮陰有白水屯
盱眙有破釜塘

鄧艾立白水塘與破釜相連開入水門
安豐有

地理通釋
卷之十二
汲古閣

芍陂
卽孫叔敖所作期思陂漢王景魏劉馥鄧艾齊桓崇祖皆修復之首受淠水西自六安北界騶虞石東自濠州之
固始有茹陂
劉馥

南橫石水皆入焉灌田萬頃
是皆古人屯田遏水之迹其餘不可詳記大要

六安以東有芍陂之險鍾離以東無非湖濁之

地西自皖東至揚則多斷流爲阻故自前世征

役舟師皆出東道如吳邗溝魏廣陵周鸛河等

率資陽水之利南北所通行也惟廬壽一路陸

有東關濡須硤石之阨重以陂水之艱

東關恃東興塘

濡須恃濡須水硤石蔽皖淮南有兩硤
石此桐城南硤也壽春硤石在淮水上
最爲險
要然聞芍陂可以灌壽淝水可以灌廬南唐何
敬洙嘗復諸塘不克

地理通釋

卷之十二
二十六

汲古閣

